

Na osnovu člana 70. Zakona o javnim nabavkama BiH, člana 17. Pravilnika o javnim nabavkama JU „Dom zdravlja“ Zenica broj: OU-01-59-43326/22 od 28.11.2022. godine, Preporuke Komisije za javnu nabavku, broj: PP-03-78-83871/26 od 19.05.2026. godine sa Zapisnikom o pregledu i ocjeni ponude – Izvještaj o radu Komisije za javnu nabavku broj: PP-03-152-83870/26 od 19.05.2026. godine, donosi se

O D L U K A

o dodjeli ugovora najuspješnijem ponuđaču za nabavku medicinske opreme – ultrazvučnog uređaja

1. Nakon ocjene ponude i preporuke Komisije za javnu nabavku medicinske opreme – ultrazvučnog uređaja sa linearnom i abdominalnom sondom sa mogućnošću nadogradnje kardiološkom i ginekološkom sondom za potrebe Službe za radiološku dijagnostiku JU „Dom zdravlja“ Zenica, najuspješniji ponuđač je „BERG“ d.o.o. Sarajevo.

2. Sa najuspješnijim ponuđačem zaključit će se ugovor.

3. Uz ovu Odluku, ponuđaču koji je učestvovao u postupku javne nabavke, Ugovorni organ će dostaviti i Zapisnik o pregledu i ocjeni ponude u skladu sa čl. 71. stav (2) Zakona o javnim nabavkama BiH.

O b r a z l o ž e n j e

Postupak javne nabavke pokrenut je dana 27.03.2026. godine Odlukom o pokretanju postupka broj: PP-03-125-82953/26. Obavještenje o nabavci broj: 1350-1-1-59-3-102/26 poslato je na objavu dana 03.04.2026. godine i istog dana je objavljeno na portalu javnih nabavki ejn.gov.ba. Predmetna nabavka je objavljena u Službenom glasniku BiH broj: 26/26.

Tendersku dokumentaciju je preuzelo 12 (dvanaest) ponuđača, dok je izmjenju tenderske dokumentacije sačinjeno 17.04.2026. godine preuzelo 5 (pet) ponuđača, o čemu postoji izvještaj na portalu javnih nabavki BiH www.ejn.gov.ba.

U skladu sa članom 25. Zakona o javnim nabavkama BiH, odnosno provođenjem otvorenog postupka sa dodatnom objavom obavještenja na Portalu javnih nabavki za nabavku medicinske opreme – ultrazvučnog uređaja sa linearnom i abdominalnom sondom sa mogućnošću nadogradnje kardiološkom i ginekološkom sondom za potrebe Službe za radiološku dijagnostiku JU „Dom zdravlja“ Zenica, čija je ukupna procijenjena okvirna vrijednost 80.000,00 KM bez uključenog PDV-a, blagovremeno je pristigla ponuda ponuđača i to:

1. BERG d.o.o. Sarajevo, broj protokola: PP-03-55-83730/26 od 08.05.2026. godine u 08:46 sati

U postupku prema Zapisniku o pregledu i ocjeni ponude - Izvještaj o radu Komisije za javnu nabavku broj: PP-03-152-83870/26 od 19.05.2026. godine, utvrđeno je da je Komisija za javnu nabavku blagovremeno i pravilno izvršila otvaranje i ocjenu ponude, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno pristigla 1 (jedna) ponuda,
- da nema neblagovremeno zaprimljenih ponuda,
- da je ponuda prihvatljiva.

Nakon izvršene analize u ponudu, Komisija je utvrdila i konstatovala da je ponuda ponuđača „Berg“ d.o.o. Sarajevo, sa formalno-pravnog aspekta uredna, da su dostavljeni svi traženi elementi tenderske dokumentacije, odnosno svi traženi dokumenti iz tačke 2.7. tenderske dokumentacije te se ponuda smatra prihvatljivom i bila je predmetom ocjene.

Ponuđač je ponudio sljedeće: ukupna cijena ponude 80.000,00 KM bez PDV-a, rok isporuke 60 dana od dana prijema narudžbe i garantni rok u trajanju od 12 mjeseci.

Potkriteriji dodjele bodova prilikom primjene kriterija ekonomski najpovoljnije ponude su: cijena, rok isporuke i garantni rok.

R.b.	Naziv ponuđača	Cijena (70 bodova)	Rok isporuke (10 bodova)	Garantni rok (20 bodova)
1	„BERG“ d.o.o. Sarajevo	Cijena 80.000,00 KM Bodovi: 70,00	Rok isporuke: 60 dana Bodovi: 10,00	Garantni rok: 12 mjeseci Bodovi: 20,00

Rang lista ocijenjenih ponuda je:

R.b.	Naziv ponuđača	Ukupno bodova
1	„Berg“ d.o.o. Sarajevo	100,00

U postupku ocjene ponude, direktor JU „Dom zdravlja“ Zenica nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za predmetnu nabavku.

U postupku je utvrđeno da je Komisija u svemu pravilno postupila te da je Preporuka o izboru najpovoljnijeg ponuđača data u skladu sa Zakonom, podzakonskim i internim aktima i tenderskom dokumentacijom.

Komisija za javnu nabavku, Upravi JU „Dom zdravlja“ Zenica je dostavila dana 19.05.2026. godine Preporuku o izboru najpovoljnijeg ponuđača broj: PP-03-78-83871/26, zajedno sa Zapisnikom o pregledu i ocjeni ponude broj: PP-03-152-83870/26 od 19.05.2026. godine, kojima konstatuje da ponuda ponuđača „Berg“ d.o.o. Sarajevo u potpunosti ispunjava tražene zahtjeve pa Ugovorni organ dodjeljuje ugovor za nabavku medicinske opreme – ultrazvučnog uređaja sa linearnom i abdominalnom sondom sa mogućnošću nadogradnje kardiološkom i ginekološkom sondom za potrebe Službe za radiološku dijagnostiku JU „Dom zdravlja“ Zenica:

NAZIV / IME PONUĐAČA:	BERG d.o.o. Sarajevo
ADRESA	Bulevar Meše Selimovića 17a, Sarajevo
UKUPNA CIJENA PONUDE BEZ PDV-a	80.000,00 KM
PDV 17%	13.600,00 KM
UKUPNA CIJENA PONUDE SA PDV-om	93.600,00 KM


Imajući u vidu izneseno, odlučeno je kao u dispozitivu ove odluke.

PRAVNA POUKA:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa u roku od 10 (deset) dana od dana prijema iste.

Dostavljeno:

- 1 x „BERG“ d.o.o. Sarajevo
- 1 x Komisija za javne nabavke
- 1 x A/a



Direktor,

dr. sci. prim. Mersija Kasumović